



Jone Hagalid
Hagalidvegen 463
4130 Hjelmeland

Kontakt saksbehandlar

Morten Svanes, 51 56 89 74

Søknad 57/1 utsetjing utanlandske treslag juletreproduksjon fjelledelgran, Hjelmeland

Vi viser til søknad mottatt 27.03.2019 om løyve til planting av utanlandske tre til juletreproduksjon på gnr/bnr 57/1 på Hagalid i Hjelmeland kommune.

Vedtak og vilkår

Jone Hagalid får løyve til utsetting av fjelledelgran på gnr/bnr 57/1 i Hjelmeland kommune på avmerka område som er vist på kartvedlegg. Formålet er juletreproduksjon. Løyvet gjeld for 10 år

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for felling. Vilkåret for dette løyvet skal gjerast kjent for ny eigar ved eit eventuelt eigarskifte.

Heimel

Utsetting av utanlandske treslag krev godkjenning frå Fylkesmannen i samsvar med forskrift om utsetting av utanlandske treslag til skogbruksformål (25.05.2012 nr 460), jf. naturmangfaldlova kap IV.

Bakgrunn

De søker om utplanting av 12 000 tre av fjelledelgran (*Abies lasiocarpa*) på eit om lag 28 daa stort areal, innteikna på kart vedlagt søknaden. Det omsøkte feltet er på tidlegare skogsmark som har blitt avverka dei siste åra, samt noko utmarksbeite og noko tidlegare innmarksbeite som er ute av drift.

Fylkesmannens vurdering



Føremålet med forskrifta er å hindre at planting av utanlandske treslag gjer uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§ 4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§ 8 sett krav om at vedtak bygger på kjend kunnskap. Fjelledelgran er vurdert med låg risiko for spreining (LO) i Fremmedartslista til Artsdatabanken (2018). Det er ikkje eit verna område, naturtypar eller kjende artar i nærleiken som kan bli uheldig påverka av plantinga. Arealet som plantefeltet legg beslag på består av tidlegare planteskog med gran som no er avverka, samt innmarksbeite under attgroing og noko utmarksbeite.

Ut frå føre-var-prinsippet (§ 9) er det viktig å sikre seg mot at plantefeltet kjem ut av kontroll, ved å sikre at trea ikkje får nå alderen for frøspreiing. Risiko for spreining blir handtert gjennom vilkåra til løyvet.

Påverking av økosystemet skal vurderast ut frå samla belastning som økosystemet er eller blir utsett for (§ 10). I dette høvet kan vi ikkje sjå at tiltaket legg beslag på, eller er vesentleg trugsmål mot, stadeigne naturkvalitetar.

§ 11 adresserer ansvaret for eventuelle skader på naturmiljøet til tiltakshavaren. Kostnader ved å bøte på eventuelle skadar eller førebygge skadar skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gir dei beste samfunnsmessige resultata (§ 12). Vi har ikkje spesielle merknadar til dette i denne saka.

Samla vurdering

Vi kan ikkje sjå at planting av fjelledelgran vil vere til vesentleg skade for naturmangfaldet. Det aktuelle treslaget har låg risikovurdering i Fremmedartslista, og det er ikkje registrert spesielle naturverdiar som kan bli trua av tiltaket på, eller umiddelbart ved, plantefeltet. Det er likevel viktig å sikre seg mot eventuell frøsetting. Det er nødvendig å dokumentere rutinar for å hindre spreining, og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Dette løyvet er berre gitt på bakgrunn av risiko for spreining av utanlandske treslag, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefeltet er på jordbruksareal. Samstundes vil vi minne om at skogbrukslova med underliggende forskrifter, mellom anna forskrift om berekraftig skogbruk (07.06.2006 nr. 593) også gjeld for juletre- og pyntegrøntproduksjon. Her er det også ein del miljøomsyn som må takast, t.d. avstand til vassdrag, myr, osv.



Tiltaket skal ikkje utførast før tidlegast ei veke etter at klagefristen er ute og ein eventuell klage er ferdig handsama.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Geir Skadberg
landbruksdirektør

Morten Svanes
seniorrådgjevar


Dokumentet er elektronisk godkjent

Kopi til:

Hjelmeland kommune Vågavegen 116 4130 Hjelmeland

Vedlegg:

Kart



Kartvedlegg:
Løyve til å setja ut fjelledelgran til juletreproduksjon,
gnr. 57 bnr. 1 Hagalid, Hjelmeland kommune.

-  Løyve nytt juletrefelt (Fjelledelgran)
-  Eksisterande juletrefelt (Nordmannsedelgran + Fjelledelgran)

0 25 50 100 Meters

Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, mars 2019

